



## OLIY TA'LIMDAGI YANGI BOSQICH

**B. T. DAMINOV,**  
**ToshPTI rektori,**  
**Xalq deputatlari Toshkent**  
**shahar kengashi deputati**

Ta'lim-tarbiya hamisha jamiyat taraqqiyotining asosi bo'lib kelgan. Chunki inson jamiyatdagi barcha munosabatlar, aloqalarning markazida turadi. Yuqori malakali mutaxassislarini tayyorlash davlat oldidagi muhim vazifalardan biri hisoblanadi. Fan-texnika va axborotdagi revolyutsiya inson va uning ilmiy-ma'rifiy potensialini ijtimoiy-iqtisodiy taraqqiyotning hal qiluvchi omiliga aylantirdi. Ta'lim yutuqlari va o'z sohasidagi ideal kadr zamonning eng katta ehtiyoji.

Davlat oliy ta'lim muassasalariga akademik va tashkiliy-boshqaruvda mustaqillik berish bo'yicha O'zbekiston Respublikasi Prezidentining 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son qarori qabul qilingan edi. Mazkur qarorga ko'ra, 2022-2023-o'quv yilidan boshlab moliyaviy mustaqillik berilayotgan 35 ta oliy ta'lim muassasalariga akademik mustaqillik sohasida qo'shimcha vakolatlar berilmog'da. Ya'ni, Vazirlar Mahkamasining oliy, o'rta maxsus va professional ta'lim sohasidagi tegishli vakolatlari Oliy va o'rta maxsus ta'lim vazirligiga o'tkaziladi.

Toshkent Pediatriya tibbiyot intstitutining moliyaviy mustaqil oliy ta'lim muassasalari ichida borligi mazkur qarorning mohiyatini chuqurroq anglashga yanada mas'uliyat yuklaydi. Xo'sh, oliy ta'lim muassasalari moliyaviy mustaqilligi nima degani, tizimda nimalar o'zgaradi?

Moliyaviy mustaqillik berilgan davlat oliy ta'lim muassasalari moliyaviy mustaqillik sohasida to'lov-kontrakt asosida o'qitish qiymatini ta'lim xizmatlari bozorida talab va taklifdan kelib chiqib, bazaviy to'lov-kontrakt qiymatining 3 baravaridan ortiq bo'lmagan miqdorda belgilash, talabalarning to'lov-kontrakt mablag'larini to'lash muddatlarini belgilash va uzaytirish, ta'lim jarayoniga zamonaviy pedagogik texnologiyalarni qo'llay oladigan va ilmiy izlanish olib boradigan mahalliy hamda xorijiy professor-o'qituvchi va mutaxassislarini shartnoma asosida jalb qilish, o'z mablag'lari hisobidan talabalar uchun stipendiya va grantlar ajratish, xorijiy davlatlardan o'quv va ilmiy adabiyotlar, darsliklar hamda o'quv qo'llanmalarni to'g'ridan-to'g'ri xarid qilishda to'liq erkin huquqqa ega bo'ldi.

Moliyaviy mustaqil oliy ta'lim muassasalarida vasiylik kengashlari tugatilib, tarkibi kadrlar buyurtmachilari, jamoatchilik vakillari va homiylardan iborat (70 foizdan kam bo'lmagan tarkibda) Kuzatuv kengashlari tashkil etiladi va ularga oliy ta'lim muassasalarini boshqarishda qator vakolatlar beriladi. Endi moliyaviy

mustaqil oliy ta'lim muassasalari barcha ta'lim yo'nalishlari va bosqichlari bo'yicha bir talaba uchun to'g'ri keladigan o'rtacha xarajat miqdorini hisoblab chiqib, davlat buyurtmasi asosida kadrlar tayyorlash uchun davlat byudjetidan ajratiladigan mablag'lar bir talabaga to'g'ri keladigan o'rtacha xarajat miqdoriga nisbatan belgilaydi. Davlat byudjetidan ajratilgan mablag'lar qoldig'i muassasa ixtiyorida qoldiriladi. To'lov-kontrakt qiymati bir talaba uchun to'g'ri keladigan o'rtacha xarajat, o'zini o'zi to'liq moliyaviy ta'minlash, istiqbolda rivojlantirish hamda ta'lim xizmatlari bozorida o'zaro raqobat asosida belgilanadi.

Oliy ta'lim muassasalarida Oliy ta'lim jarayonlarini boshqarish axborot tizimi (HEMIS)ning joriy yil 1-martga qadar "O'quv jarayonini boshqarish", "Ilmiy jarayonni boshqarish", "Ma'muriy jarayonni boshqarish" va "Moliya-xo'jalik faoliyatini boshqarish" qismlari va 1-mayga qadar "Ta'lim sifatini nazorat qilish" qismi joriy qilinadi. 2022-yil yakuniga qadar esa yagona "Elektron kutubxona" platformasi ishga tushirilishi ko'zda tutilgan.

Tibbiyot oliy ta'lim muassasalariga ularning klinikalarida moddiy-texnik bazani mustahkamlash, shuningdek, kapital va joriy ta'mirlash ishlarini amalga oshirish uchun o'zlarining byudjetdan tashqari mablag'lari hisobidan zarur mablag'lar sarflashga ruxsat berildi. Sohalar bo'yicha imkoniyatlar taqdim etilgani ta'limdagi yutuqlarimizning yangi bosqichi sifatida bizni quvontiradi.

## ENDOKRINOLGIYA SOHASIDAGI YANGI SAHIFA

Inson sogʻligʻi uning organizmi kabi hali toʻliq oʻrganilmagan soha boʻlib, borliqda kechayotgan ijobiy va salbiy jarayonlar unga oʻz taʼsirini oʻtkazmay qolmaydi. Shuning uchun ham meditsina inson manfaati asosiga qurilgan davlatlar siyosatida muhim oʻrinda turadi. Yurtimizdagi inson salomatligi yoʻlidagi islohotlar buning yorqin misolidir.

2021-yilning 10-dekabr kuni Shavkat Mirziyoyev Endokrinologiya sohasidagi muammoli masalalar boʻyicha selektr yegʻilishi oʻtkazdi. Davlatimiz rahbari soʻzining avvalini: “Respublikada endokrin kasalliklarini barvaqt aniqlash va davolashga 25 yil davomida eʼtibor susayib ketgani ham adolatli haqiqat”, deya boshlarkan, keyingi yillarda bu sohada amalga oshirilgan samarali ishlarga ham toʻxtalib oʻtdi.

Yaʼni, soʻnggi uch yilda endokrinologiya sohasini takomillashtirishga qaratilgan alohida dastur amalga oshirildi. Endokrinologiya markazining viloyatlarda joylashgan 14 ta filiali moddiy-texnik bazasini mustahkamlash uchun 3,5 million dollar ajratilgani, filiallarda maxsus boʻlimlar tashkil etilib, respublika markaziga murojaatlar 2 barobarga kamaygani, qariyb 5 ming nafar fuqaroning sarsongarchiligi va ortiqcha xarajatlarining oldi olinganligi, har yili 80 ming nafar bemor insulin bilan bepul taʼminlanayotgani endokrinologiya so-

hasidagi yutuqlarimizdir, deya taʼkidladilar Yurtboshimiz.

Hozirda Respublika endokrinologiya markazi faoliyati koʻp tarmoqli shaklga oʻtkazilib, eng zamonaviy uskunalardan bilan jihozlanadigan 600 oʻrinli yangi bino qurilayotgani ham sohadagi yangi dovon, shubhasiz.

Islohotlarga koʻra, ikki oy davomida joylarga chiqib, sohadagi haqiqiy ahvol, ham aholini, ham shifokorlarni qiynayotgan muammolar oʻrganilgan. Kasalliklarning oldini olish borasida soʻnggi besh yilda endokrin kasalliklari 20 foizga ortib, ayniqsa, yoshlar orasida koʻpayayotgani aniqlangan. Shuning uchun Prezident selektr yigʻilishida endokrinologiya xizmatini takomillashtirish boʻyicha birinchi galdagi chora tadbirlarni, xususan, kelgusi yildan 40 yoshdan oshgan barcha aholi (*10 million nafar*) yiliga kamida bir marta manzilli endokrin skriningdan oʻtkazilishini, tibbiyot brigadalari va poliklinikalarning 14 mingdan ziyod oilaviy va taʼlim muassasalari shifokorlari endokrin kasalliklarni aniqlash va birlamchi yordam koʻrsatishga oʻqitilishini, har bir tibbiyot brigadasi ekspresstestlar oʻtkazish uchun glyukometr bilan taʼminlanishini, endokrin kasalliklar aniqlangan aholining yagona elektron reyestri ishga tushirilishini, kelgusi yil 1-iyuldan 2 million nafar ayollar, 3–15 yoshdagi bolalar yod preparati bilan bepul taʼminlanishini, shuningdek

qandli diabet uchun metformin preparati 200 mingdan ziyod ehtiyojmand aholiga bepul tarqatilishini belgilab berdi.

Bugungi kunda yurtimizda har bir sohada jadal oʻzgarishlar amalga oshirilib, jarayon taqozosi oʻlaroq yangi-yangi dovonlar, sohadagi yutuqlar koʻzga tashlanmoqda. Bularning barchasi hech shubhasiz xalq, insonlar uchun, sogʻlom fuqaroli jamiyat uchun. Endokrinologiya xizmatining takomillashtirilishi boʻyicha oʻtkazilgan selektr yigʻilishi ham aholining salomatligiga boʻlgan eʼtibor davlat siyosatida alohida oʻrin tutishining yorqin misolidir.

Ilm-fanning keng imkoniyatlari, yutuqlari maydonga kelayotgan bir paytda insoniyat salomatligiga jiddiy xavf soluvchi nomsiz va nomli ogʻriqlar ham turli darajadagi murakkabliklarda boʻy koʻrsatayotgani zamondoshlarimizga yangilik emas. Har bir inson oʻz vujudining posboni. Shifokorlar esa millat salomatligiga daxldor kas egalari. Yurtimizda meditsina sohasiga qaratilayotgan eʼtibor, Yurtboshimiz tomonidan ilgari surilayotgan islohotlar vatanimiz ertasi uchun, sogʻlom kelajak uchun safarbarlikdir. Bu esa bir ustoz, fuqaro, millat vakili sifatida meni, har birimizni quvontiradi.

**Muborak AHMEDOVA,**  
**ToshPTI Yoshlar masalalari va maʼnaviy-maʼrifiy ishlaar boʻyicha prorektor**

## VAZIR O‘RINBOSARI TASHRIFI

Mamlakatimizda yangi O‘zbekistonni barpo etishdek ulug‘ maqsadga erishish yo‘lida asosiy tayanchimiz bo‘lgan azm-u shijoatli yoshlarga e‘tibor va g‘amxo‘rlik ko‘rsatish, ularga barcha sohalarda o‘z iqtidori va salohiyatini to‘liq namoyon etishi uchun zarur sharoit va imkoniyatlar yaratib berish davlat siyosatining ustuvor yo‘nalishi hisoblanadi. 2021-yil 23-dekabr kuni O‘zbekiston Respublikasi Oliy va o‘rta maxsus ta‘lim vazirining axborot texnologiyalari va yoshlar masalalari bo‘yicha o‘rinbosari Yusuf Absoatovning Toshkent pediatriya tibbiyot institutiga tashrifi mana shu masala muhokamasiga bag‘ishlandi. Tashrif davomida ma‘naviy-

ma‘rifiy ishlar tizimini tubdan takomillashtirish, talabalarga yanada yaqinroq bo‘lish hamda Prezidentimiz rahbarligida oliy ta‘lim sohasida jahon standartlariga javob beradigan, sifatli ta‘lim tizimini yo‘lga qo‘yish bo‘yicha amalga oshirilayotgan islohotlarning amaliy ahamiyati har tomonlama muhokama qilindi.

Mehmonni Toshkent pediatriya tibbiyot instituti rektori, professor B.T.Daminov institutda talabalarining bilim olishi uchun yaratilgan shart-sharoitlar va Innovatsiya markazining faoliyati bilan yaqindan tanishtirdi. So‘ngra Vazir o‘rinbosari institutda yoshlar masalalari va ma‘naviy-ma‘rifiy ishlarga mas‘ullar, dekan o‘rinbosarlari



hamda mazkur o‘quv yilida faoliyatini boshlagan tyutorlar bilan uchrashuv-muloqotlarini ham o‘tkazdi.

Uchrashuvda vazir o‘rinbosari bugungi kunda davlat miqyosida qaratilayotgan e‘tibor natijasida yoshlarga yaratilayotgan sharoitlardan oqilona foydalanib kelajakda yetuk inson, yuqori malakali mutaxassislar bo‘lib yetishishlari bo‘yicha o‘zining tavsiyalarini berdi.

## “SAXOVAT” VA “MURUVVAT” INTERNAT UYLARIGA TASHRIF

Yurtboshimiz “Sahovat” va “Muruvvat” internat-uyalarida sharoitni yaxshilashga, u yerda yashovchi nuroniy va nogironligi bo‘lgan shaxslarga alohida e‘tibor qaratgan. Ularning holidan xabar olib turish uchun yaqin atrofdagi shifoxonalar, ta‘lim muassasalari birlashtirilgan hamda Kasaba uyushmalari federatsiyasiga “Sahovat” uylaridagi barcha nuroniylarni har yili bir marta O‘zbekistonning eng yaxshi sihatgohlarida sog‘lomlashtirish vazifasi ham topshirilgan.


“Avvalgi me‘yorlarni qayta ko‘rib chiqib, bu joylarda yashayotgan fuqarolarimizning dorilarini ko‘paytirish, oziq-ovqatlari sifatini o‘zgartirish, taom tayyorlashda outsorsing tizimini yo‘lga qo‘yish kerak. Ularning holidan xabar olish uchun yaqin atrofdagi shifoxonalar, maktablarni birlashtirish ham mumkun. Bu ham e‘tibor, mehr-oqibat. Bemor

insonlarga e‘tiborni kuchaytirsak, yanayam sog‘ayadi”, deya ta‘kidlagan Shavkat Mirziyoyev.

Toshkent Pediatriya tibbiyot institutining mas‘ul o‘qituvchilari va talabalarining birlashtirilgan Sirdaryo viloyatidagi nogironligi bo‘lgan shaxslar uchun faoliyat olib boruvchi “Muruvvat” internat uyiga tashrif uyushtirildi.

Institutning Xotin-qizlar kengashi raisi D.A.Usta-Azizova va kengashning fakultet mas‘ullari internat uyi rahbari bilan uchrashib, internat uyida davolanayotgan bemorlar uchun yaratilgan shart-sharoitlar bilan tanishdi. Kelgusidagi hamkorlik mavzusida fikr almashildi. Institutning iqtidorli talabalari tomonidan muntazam ravishda ma‘naviy-ma‘rifiy, madaniy tadbirlar tashkil etish rejalashtirildi.

Mehr, muruvvat bu – biz bir-birimizga berishimiz zarur bo‘lgan qarz. Bu tuyg‘uga hamma birdek daxldor. Xoh yosh bo‘lgan, xoh keksa, xoh sog‘lom bo‘lsin-u xoh xasta. “Muruvvat” uyida mehnat qilayotgan jamoaning har bir xodimi mana shu ezgulik bilan yonma-yon ekan. Zero, savob ishni har kim har kuni qilishi kerak, o‘zaro mehr-oqibatli, ahillik va totuvlik, ehtiyojmand, yordamga muhtoj insonlar holidan xabar olish, yetim bolalarining boshini silash hamda mehr-muhabbatli bo‘lish donishmand xalqimizning asriy urf-odatlaridan biridir. Yoshlarni shu tuyg‘ularga oshno tarbiyalash qadriyatlarimiz oldidagi burchimiz.



*D.Usta-Azizova,  
ToshPTI xotin-qizlar qo‘miyati raisi*

## ОЛИМПИАДА В САМАРКАНДА



Олимпиада, проведённая в Самарканде прошла на высшем уровне. Спасибо ректору и все-

му преподавательскому составу Самаркандского медицинского института за хорошую организацию. Нас очень хорошо встретили и на протяжении двух дней на все мероприятия всегда сопровождали ответственные лица. Мы смогли познакомиться со многими ребятами, не только из нашей страны, но так же и со студентами из соседних стран. Было очень приятно, что на данную олимпиаду также приехали ректоры многих зарубежных вузов. Отдельно хотелось бы сказать о торжественном вечере, проведённом 14 декабря. После всех тревог по поводу олимпиады, это была прекрасная возможность расслабиться и отдохнуть.

Теперь о подготовки к олимпиаде. Когда я узнала, что будет проводиться такая олимпиада, то очень обрадовалась. Ведь в последние 2 года из-за пандемии все олимпиады проводились онлайн, а тут такая возможность в офлайн формате проверить свои знания.

Да, добиться призового места не легко, нужно много учиться, читать книги. Возможно с первого раза и не получится. До этого я много раз участвовала в онлайн олимпиадах и не получала призовых мест, но это служило мне мотивацией идти дальше.

**Назима САИДОВА,**  
*студентка 618-группы*  
*1-педиатрического факультета*

## ПОЧЕМУ ИМЕННО ЛАТИНСКИЙ?



Как известно, 14 декабря прошедшего года состоялась II-международная олимпиада в Самарканде, где можно было выбрать клинические либо базовые медицинские предметы. Всем студентам, пожелавшим участвовать, был предоставлен выбор: офлайн либо онлайн участие. Соответственно, я выбрала онлайн участие, так как олимпиада проводилась не в моём родном городе и заняла II призовое место.

Возникает вопрос «Почему именно латинский язык?!». Могу с уверенностью сказать, что как только мы увидели объявление об олимпиаде и познакомились со списком предоставленных предметов, сразу же выбрали, с одnogруппницей, этот предмет, и соответственно, подошли к преподавателям с кафедры (Березовская Раиса Александровна и Махкамов Миркамил Хусанович) с предложением участвовать. Спасибо им огромное за то, что они поддержали нас и подготовили к «Состязаниям».

Почему же я выбрала латинский язык, будучи студенткой 2-курса, которая закончила и закрыла этот курс?! Каждый может ответить логично: так как я его «Полностью» закончила. Конечно же, это одна из весомых причин, так как не пройдя этот курс до конца, я бы не нашла в себе уверенность сделать такой шаг. Но другая значимая причина – мой интерес к предмету, плюс то, что я придаю этому предмету большое значение. Латинский язык - не секрет, что он является одним из основных базовых наук, на которых держится медицина. А притяжение к этому предмету появилось у меня еще, будучи первокурсницей на уроках

Березовской Р.А – моей первой преподавательницы по этой дисциплине. Она очень чётко и внятно давала все свои знания, будто «По полочкам раскладывала». Естественно её вклад в мою победу тоже велик.

А что касается самой интересной части, т.е. олимпиады – то могу сказать, что это была мини – интрига. Она состояла из 2-х частей: письменной – тест и устной по практическим ситуационным задачам. После тестов, когда мы прошли на II тур, а точнее на «Устный тур», я очень волновалась и никак не решалась «брать» микрофон в буквальном смысле слова. Были участники из разных стран, очень грамотные и уверенные в себе студенты. Но всё же я поняла, что мой черёд наступил и «Взяла» микрофон- устный тур состоялся на платформе «ZOOM». Как стало известно, спустя несколько недель после олимпиады, я заняла II-призовое место. Эту новость я услышала до нового года – это было хорошим подарком для меня, а также дало столько мотивации и духа. Я думаю, это даст мне в будущем свершение новых высот и продвижения в учёбе.

**Асила ХАЛИКУЛОВА,**  
*студентка II-Педиатрического*  
*факультета*

## TIBBIYOTCHILAR AVLODINING UCHINCHI VAKILI

### Iqtidorli talaba bo'lish qi- yinmi yo oson?

Nima deb o'ylaysiz, biror-bir mashhur sulolaning uchinchi avlod vakili bo'lish osonmi yo qiyinmi? Siz oson deyishingiz mumkin. Va gapingizni quyidagicha tasdiqlaysiz: Demak oilaviy muhit bu insonga katta ko'mak bergan, avvalgi avlod vakillari esa o'z davomchisiga tirgak bo'lganlar. Avloddan o'tgan bilim va tajribalar uni bu soxaga qiziqtirgan, uning soxaga qiziqishi va rivojlaniishi uchun bebaho omil bo'lgan. Bu mantiqiy dalillar, albatta. Ammo ular bugungi qahramonimiz Hasanxo'ja Abidov taqdirida ham muhim ahamiyat kasb etishgan. Shuningdek bunday xurmatli shifokorlar sulolasining davomchisi bo'lish har bir inson zimmasiga katta mas'uliyat yuklashi ham tabiiy. Tanish-bilishlar, atrofdagi yoshlar, do'stlar va xamkasabalar orasida sening yutuqlaring, aynan o'z peshona tering bilan qo'lga kiritilganiga bir oz bo'lsa - da shubha bilan qarashlari ehtimoli yo'q emas.

Hasanxo'ja aynan shuni isbotlash uchun ham o'z ustida tinimsiz ishladi.

### OTA

Kasb tanlashda esa ota kasbi uni maktabda ta'lim olayotgan vaqtidan o'ziga rom qilgan edi. Kunlardan bir kun u otasi faoliyat yuritayotgan Respublika Ixtisoslashtirilgan dermatovenerologiya va kosmetologiya ilmiy-amaliy tibbiyot markaziga borganda otasining bemor qabul qilish jarayoniga duch keladi. Otasi nihoyatda kuyunchaklik bilan katta yoshli kishiga nevarasining kasali, uni davolash haqida batafsil so'zlayotgani, nevarasi sog'ayishi uchun ko'p harakati zoye ketgan kishi ko'zida

umid uchquni paydo bo'lganining guvohi bo'ladi. Uning xursandchiligini ko'rgan Hasanxo'jada ota kasbiga xavas uyg'onadi. Keksa kishi esa tinmay Hasanxo'janing otasiga rahmat aytar va duo qilar, ko'zlarida hatto yosh ham yiltiradi. Hasanxo'ja avvallari negadir ota kasbining bunchalik ulug'vor ekanligini tushunib yetmagan bo'lsa, shu uchrashuv tufayli uning miqyosini anglaydi va o'zi uchun ham bo'lajak kasbni tanlaydi. Chunki insonlar dardiga malham bo'ladigan kasbdan ulug'vorrog'ini topa olmasligini tushunib yetgan edi. U hayoti davomida duolar olish istagi bilan yondi. Axir dono xalqimiz "Oltin olma, duo ol" deb bejiz aytmagan-ku.

Shuning uchun ham otasi ikki egiz o'g'il Hasan va Husanlarni yonlariga olib, kim qaysi kasb tanlashi haqida so'rganlarida ukasi Husan bank sohasini tanlashini qat'iy aytadi. Hasanxo'ja esa tibbiyot institutiga kirish istagi borligini bildiradi.

Shunda otasi Alisher aka unga qarab: "Juda mas'uliyatli kasb tanlayapsan, o'ylab ko'r, bu kasbingda har daqiqa mas'uliyatni nihoyatda qattiq his qilishing, o'z ustingda muntazam ishlashing, oromingdan ham, gohi o'z ishlaringdan kechib ham bemorga yordam uchun oshiqish kerak bo'ladi," – dedi. So'ng yana qo'shib qo'ydi: "Yana bir gap, hayotingda mansab emas, kasbing birinchi o'rinda turishini xohlardim. Agar shunday qilsang e'zozga ham, xalq mehriga ham sazovor bo'lasan. Undan keyin bu ishing bilan bobongning ruhini ham shod qilasan".

### BOBO

Afsuski, Hasanxo'ja bobosini ko'rmagan. Ammo o'zini tanib-

diki, bobosini unga ibrat qilib ko'rsatishgan.

Bobosi Abidov Matlabxodja Murodovich mamlakatimizda "Dermatovenerologiya" (*Teri-tanosil kasalliklar*) xizmatiga asos solganlar. O'zbekiston Respublikasi sog'liqni saqlash tashkilotchilaridan, mohir shifokor, olim, ustoz-uzoq vaqt davomida Dermatologiya va venerologiya ilmiy tekshirish instituti direktori sifatida faoliyat yuritgan inson. Respublika ixtisoslashtirilgan dermatologiya va kosmetologiya ilmiy-amaliy tibbiyot markazining asoschisi. Bugungi kunda ushbu muassasada Matlabxodja Murodovichning byustlari o'rnatilgan. Har safar Hasanxo'ja ushbu markaz binosida bo'lganida shu byustga havas bilan karab, o'zi ham bobosiga o'xshab el e'tirofidagi inson bo'lishni niyat qiladi. Hasanxo'ja yoshligida bobosini ko'rmagani uchun uning nechog'li katta miqyosdagi inson ekanligini tasavvur qila olmas edi. Ammo institutga o'qishga kirganidan keyin bu miqyos naqadar yuksak ekanligini his qildi. Nima uchundir Hasanxo'janing ismi-sharifini eshitgan o'qituvchilar va olimlar doim Hasanxo'jaga yordam berishga oshiqishar edi.

Hasanxo'ja avval buning sababini bilmasa-da, keyinchalik tushundi. Bu yerda bobosiga xos bo'lgan ba'zi jihatlarni ham bilib oldiki, bobosi uning ko'z o'ngida yanada ulug'vor ko'rinishga ega bo'ldi. Bobosi juda ko'pchilikka beminnat yaxshiliklar qilar ekanlar. Yo'l-yo'riqmi, biror boshqa maslahatmi yoki yechilmagan masalami, iltimosmi, qo'llaridan kelganicha yerda qoldirmaslikka harakat qilar ekanlar. Keyinchalik o'sha odam bobosi tufayli erishgan yutug'i haqida so'zlasa

Matlabxodja Murodovich “Sizdan minnatdorman” degan soʻzni takrorlar ekanlar. Bu Hasanxoʻjaning bobosigagina xos soʻzda ham quvonish, ham ragʻbat, ham rahmat boʻlarkan. Yana bir jihat: bobosining katta kutubxonasi boʻlib, Hasanxoʻjaning dadasi uni yanada boyitgan.

### KUTUBXONA

Hasanxoʻja oʻzini taniydiki, dadasi qayerga borsa kitob koʻtarib kelardilar. Oʻzi kitob koʻp boʻlsa, haddeb kitob olib kelib nima qilar ekanlar-a? Hasanxoʻja yoshligida shunday oʻylar edi, chunki dadasi har kitob olib kelganlarida “Bu kitoblar sizlar uchun” derdilar-da. Hatto ikki aka-uka dadasiga bir kun “Dadajon, bu kitoblar oʻrmiga oʻyinchoqlar olib kelsangiz yaxshi edi”, deyishgani esida. Ammo bugun bu kitoblarni nechogʻli ahamiyatli ekanligini har daqiqa his qiladi. Oilaviy kutubxonadagi nafaqat ilmiy, balki badiiy va ilmiy-ommabop kitoblar uni oilasi bilan birga tarbiyalashda oʻz hissasini qoʻshdi, boʻlajak kasbi uchun narvon boʻldi. “Qizikarli biologiya”, “Qizikarli kimyo”, “Bolalar ensiklopediyasi”, “U kim, bu nima?” ensiklopediyalari uning maktabdagi bilimlarini oʻzlashtirishni juda zavqli jarayonga aylantira oldi. U oʻqigan kitoblari bilan doʻstlari, yaqinlari bilan oʻrtoqlashishga shoshilardi. Shunday qilib beminnat maslahatchi va ustoz sanalgan kitoblarni varaqlagani sayin bilimi oshdi, qiynagan savollariga javob topa oldi.

### TAHSIL

Ana shunday zavqli onlar, bilim olish va dunyoqarashini oʻstirish bilan oʻtgan maktab yillaridan soʻng u hujjatlarini Toshkent pediatriya tibbiyot institutiga topshirdi. Bakalavriyat bosqichida ham oʻquv, ilmiy, jamoatchilik ish-

lar bilan toʻla buldi. Bu mehnatlari munosib baholanib, Hasanxoʻja 6-bosqichda Ibn Sino nomidagi Oʻzbekiston Respublikasi Davlat stipendiyasi sohibi boʻldi.

Soʻng imtiyoz bilan, imtihon va tanlovsiz magistraturaning “Dermatovenerologiya” yoʻnalishiga davlat granti asosida qabul qilindi va oʻz ilmiy ishini davom ettirishga muvaffaq boʻldi.

Uning magistrlik ishi bemorlarda endogen intoksikatsiyani eʼtiborga olgan holda teri leyshmaniozi kasalligining klinik xususiyatlarini oʻrganish va davolash usullarini takomillashtirishga bagʻishlandi. Ishidan asosiy maqsadi esa Oʻzbekiston Respublikasida teri leyshmaniozi kasalligi bilan hastalangan bemorlarni oʻrganish, kasallikni erta tashhislash, yangi diagnostik indeksi yordamida kasallikning ogʻirlik darajasini tezroq aniqlash orqali vaqt sarfini kamaytirish, yangi davolash usullarini qoʻllash va davolash samaradorligini oshirish boʻldi.

Ilmiy ishi davomida u dunyo tan olgan ilmiy jurnallar, shu jumladan, Scopus ilmiy maʼlumotlar bazasi roʻyxatidagi jurnallarda va xalqaro konferensiyalarda 150 dan ziyod maqola va ilmiy ishlari bilan qatnashdi, oʻquv-qoʻllanma chop etdi. U ustozlari bilan taklif etgan teri leyshmaniozi kasalligini ogʻirlik darajasini aniqlovchi yangi “CLASI” deb nomlangan indeks uchun mualliflik patentiga ega boʻldik. Bundan tashqari, ilmiy ishi natijalari toʻgʻrisida turli xalqaro anjumanlarda, shu jumladan, Rossiya va Qozogʻiston davlatlaridagi ilmiy anjumanlarda maʼruza qildi.

Bugungi kunda Hasanxoʻja magistraturani tamomladi. Ammo magistratura bosqichdagi samarali faoliyati natijasida 2020-2021-

oʻquv yili uchun Oʻzbekiston Respublikasi Prezidentining Davlat stipendiyasi sohibi boʻldi.

### ORZU

Hozirgi kunda u institutda rektorning yoshlar masalalari boʻyicha maslahatchisi – institut yoshlar ittifoqi boshlangʻich tashkiloti yoshlar yetakchisi, Oʻzbekiston Respublikasi Oliy Majlis Qonunchili palatasi huzuridagi Yoshlar Parlamenti aʼzosi.

Hasanxoʻjaning fikricha bugungi kunda, har qanday sohaning rivojlanishiga eng katta toʻsiq boʻlayotgan omil – bu unda yetarli darajada zamonaviy axborot texnologiyalar tadbiiq etilmaganligi.

Ushbu muammoning yechimi sifatida butun dunyoda amalda oshirilayotgan raqamlashtirish jarayoniga kuchli kirishish lozim deb biladi. U tibbiyot sohasini raqamlashtirishni kengaytirish maqsadida ushbu sohaga qisqa muddat ichida, lekin shu bilan birga puxta ishlangan va sifatli axborot tizimlari va dasturiy mahsulotlarni joriy etishi kerak deb hisoblaydi.

Albatta, bularning barchasini kim qiladi? dega savol tugʻiladi? Bu savolga javoban, Hasanxoʻja “Biz yoshlar hozir, bugun shu masala ustida ishlab, oʻzimizni qiynashimiz lozim. Shu bilan birgalikda, mamlakatimizning har bir sohasi kabi sogʻliqni saqlash sohasida ham inson resurslarini rivojlantirishga katta eʼtibor qaratiшимiz lozim. Hurmatli Prezidentimiz taʼkidlaganlaridek “Kadrlar hamma narsani hal qiladi”. Bu degani tibbiyot xodimlari bilimini oshirish, taʼlim va ilm-fanni rivojlantirishni yanada yangi bosqichga olib chiqishimiz kerak”, deydi.

Biz esa Hasanxoʻjaga barcha ishlarida omad tilaymiz.

**Kavsar TURDIYEVA**

## MO‘JIZANI O‘ZIMIZ YARATAYLIK

Yangi yil juda ajoyib bayramda. Har bir kishi uchun u bir olam quvonch olib keladi. Lekin hammadan ko‘proq bu bayramda bolalar zavqlanishadi. Shuning uchun uni deyarli har bir bola, orziqib kutadi. “Sizning sevimli bayramingiz nima?” degan savolga “Yangi yil” deb javob beradi. Ular aynan Yangi yil bayramida mo‘jizalar sodir bo‘lishiga va orzular amalga oshishiga ishonadi.

Biz, TashPTI 1-kurs Davolash fakulteti talabalari ustozlar bilan birgalikda bolalarga quvonch ulashish va yangi yil shukuhini hadya qilish maqsadida, № 105 Yordamchi maktab-internat bayrami tashkil qildik.

Dekabr oyi, hamma yangi yil kayfiyatida. Dugonalarimiz bilan bolalikda yangi yilni qanday nishonlaganimiz, nima sababdan u bizning sevimli bayramimiz ekanligi haqida suhbatlashyotgan bir paytda, Sabining xayoliga to‘satdan ajoyib fikr kelib qoldi. U imkoniyati cheklangan bolalarni kirib kelayotgan bayram bilan tabriklashni taklif qildi. Bu g‘oyani hammamiz bir ovozdan ma‘qulladik. Qaysi maktab-internatga borishimiz haqida ko‘p o‘ylashga to‘g‘ri kelmadi. Sabining onalari orqali O‘zbekiston Davlat Konservatoriyasi 105-maktab-internatida konsert berayotganligi haqida xabar



topdik va ular bilan birgalikda bayram dasturini o‘tkazishni kelishib oldik. Bu haqda fakultetimiz rahbariyatiga bildirgan edik, barcha talabalar va yetakchilar ishtirok etishni xohlashdi. Darslardan so‘ng yig‘ilib o‘zaro fikrlar almashdik, shu bahonada barchamiz tanishib, do‘stlashib oldik. Ko‘p o‘ylab, bolajonlarga shirinliklar sovg‘a qilishga qaror qildik. Belgilangan sanamizdan bir kun avval sovg‘alarni xarid qilib, ertasiga birgalikda 300-ta sovg‘ani qadoqladik. Tashkiliy jarayon barchamizni birlashtirdi, bizga zavq va unutilmas hissiyotlar bag‘ishladi.

Manzilimizga yetib borgach, bolajonlarga dasturxon tuzashni boshladik. Ularni intiqib kutilgan bayram bilan qutlashga Qorbobo, Qorqiz va estradamiz san‘atkorlarini tarlif qildik. Ular biz tayyorlagan sahna ko‘rinishlari, qo‘shiq va raqslarni sahnadan ko‘z uzmay, miriqib tomosha qilishdi. Bayram juda maroqli va mazmunli o‘tdi, bolajonlar bilan bayram archasi atrofida raqsga tushdik, qo‘shiqlar kuyladik, quvnoq o‘yinlar o‘ynadik. Dastur yakunida Qorbobo bilan ularga sovg‘alar hadya etdik. Bolajonlar xursandchiligidan bizni tinmay quchoqlab, minnatdorchilik bildirishdi. Ularning xursandligining chegarasi yoq edi. Bizni esa bu beg‘ubor ko‘zlardagi quvonch, yuzlaridagi tabassum juda sevintirdi. Bu bayram nafaqat bolajonlar uchun, balki biz uchun ham unutilmas lahzalarga boy bo‘ldi!

Biz hayotda mo‘jiza sodir bo‘lishini kutib o‘tirish emas, balki uni o‘z qollarimiz bilan yaratishimiz va boshqalar bilan bo‘lishishimiz kerakligini, baxtli bo‘lish uchun atrofimizdagi kichik va arzimas narsalarning qadriga yetish kifoya ekanligini anglab yetdik.

**Dono MUHAMMATOVA**  
Davolash fakulteti  
114-gruh talabasi



## TOSHTI TALABALARI START-UP TANLOVDA SOVRINLI O'RINNI OLISHDI

IT Park axborot texnologiyalari sohasidagi Students Cup 2021 startap tanlovi g'oliblarini e'lon qildi.

Tanlov IT Park tomonidan O'zbekistondagi universitetlar qoshidagi inkubatsiya markazlari, shuningdek, IT Akademiyasi va Dubai Future Foundation (BAA) bilan hamkorlikda tashkil etildi. Bu yil musobaqa ikkinchi marta o'tkazildi.

11-dekabr kuni bo'lib o'tgan yakuniy taqdimotda respublikaning barcha hududlaridan 18 ta loyiha ishtirok etdi. Har bir ishtirokchi 5 daqiqa ichida loyihasini taqdim etishi, so'ngra 3 daqiqa davomida hakamlar hay'atining savollariga javob berishi kerak edi.

Tanlov natijalariga ko'ra, Toshkent pediatriya tibbiyot institutining "Lalu.uz" loyihasi

3-o'rin va 4000 AQSh dollari miqdoridagi pul mukofotiga sazovor bo'ldi.

Lalu.uz – homilador ayollar va yangi tug'ilgan onalarga mo'ljallangan mobil ilova bo'lib, ona va bola salomatligini kuzatib boradi, homiladorlik va bola parvarishi haqida ishonchli ma'lumotlarni taqdim etadi.

*Hasanxo'ja Abidov*

## YANGI O'ZBEKISTON–YANGI G'OYALAR



17-dekabr kuni 1-Talabalar turar joyida "YANGI O'ZBEKISTON–YANGI G'OYALAR!"

deb nomlangan yangi yil bayram tadbiri bo'lib o'tdi. Tadbirda 1-Pediatriya fakulteti dekani A.A.Rahmatullayev, dekan muovnlari, institut tyutorlar jamoasi, yoshlar bilan ishlash, ma'naviyat va ma'rifat ishlari bo'yicha dekan muovnlari, talabalar turar joyi pedagog-tarbiyachilari, professor-o'qituvchilar va talabalar ishtirok etishdilar.

Tadbirda talabalar turar joyi "Pediatr" teatr jamoasi va faol talabalar tomonidan tayyorlangan milliy urf-odatlarimiz mujassamlashtirilgan sahna ko'rinishlari, qo'shiqlar, raqslar, turli qiziqarli o'yinlar namoish etildi.

*Muruvvat AKBAROVA*

*Otabek JUMAYEV*

*1-TTJ pedagog-tarbiyachilari*

## O'zbekiston Respublikasi Sog'liqni saqlash vazirligi TOSHKENT PEDIATRIYA TIBBIYOT INSTITUTI

*Professor-o'qituvchilar tarkibi bo'yicha quyidagi kafedralar lavozimlariga TANLOV e'lon qiladi:*

**DOTSENTLAR:** Akusherlik va ginekologiya; Ichki kasalliklar, nefrologiya va gemodializ; Klinik farmakologiya; Psixiatriya, narkologiya va bolalar psixiatriyasi, tibbiy psixologiya, psixoterapiya.


**KATTA O'QITUVCHILAR:** Ijtimoiy fanlar.

**O'QITUVCHILAR:** Ijtimoiy fanlar.

**ASSISTENTLAR:** Patalogik anatomiya; Jamoat salomatligi va sog'liqni saqlashni boshqarish; Akusherlik va ginekologiya; Ichki kasalliklar, nefrologiya va gemodializ; Sud tibbiyoti, tibbiyot huquqi; Otorinologiya, bolalar otorinologiyasi; Patologik fiziologiya; Asab kasalliklari va bolalar asab kasalliklari; Neonatologiya; Yuqumli kasalliklari.

**Tanlov muddati – e'lon chiqqan kundan 1 oy. Manzilgoh: Bog'ishamol ko'chasi 223, Tosh PTI.**

**Avtobuslar: 115, 19 ToshPTI bekat. 08.01.2022.**

 <p><b>TOSHKENT PEDIATRIYA TIBBIYOT INSTITUTI MEHNAT JAMOASI NASHRI</b> ОРГАН ТРУДОВОГО КОЛЛЕКТИВА ТАШКЕНТСКОГО ПЕДИАТРИЧЕСКОГО МЕДИЦИНСКОГО ИНСТИТУТА</p>	<p><b>Tahrir kengashi:</b> D.A. Asadov, A.V. Alimov, X.F. Haydarov, M. Ahmedova, K.N. Haitov, S.S. Gulyamov, D.T. Ashurova, A. Rahmatullayev, S. Nurxodjayev A. Valiyev, A.A. Kudayberganov, <b>Nashr uchun mas'ul:</b> Sh. Abduhoshimova</p>	<p><b>Bosh muharrir:</b> B.T. DAMINOV Tahrir hay'ati: (ishchi guruh) E.O. Tursunov, K.Sh. Turdiyeva <b>(Bosh muharrir o'rinbosari),</b> A.M. Mannonov, D.A. Ahmedova, H. Rasulov S.A. Begmonov, A. Nosirov, Z. Karimova, A. Xudayberdiyev</p>	<p>Gazeta Toshkent shahar matbuot va axborot boshqarmasida 29.12.2006-yil 02-0010-son bilan ro'yxatga olingan. Manzil: 700140, Toshkent-140, Bog'ishamol ko'chasi, 223 Gazeta institut hisobidan nashr etiladi va bepul tarqatiladi.</p>
---	---	---	--